

**Pwyllgor yr Economi,
Masnach a Materion Gwledig**

**Economy, Trade and
Rural Affairs Committee**

Dylan Morgan
Pennaeth Polisi, NFU Cymru

9 Rhagfyr 2021

Annwyl Dylan,

Adolygiad o Reoliadau Adnoddau Dŵr (Rheoli Llygredd Amaethyddol) (Cymru) 2021

Diolch am eich llythyr ar 2 Rhagfyr ynglŷn â'r dystiolaeth a ddaeth i law yng nghyfarfod y Pwyllgor ar 25 Tachwedd gan sefydliadau amgylcheddol.

Rwy'n nodi'r pwyntiau y gwnaethoch yn eich llythyr, a gafodd ei drafod yn ffurfiol gan y Pwyllgor fel papur i'w nodi yn ein cyfarfod ar 9 Rhagfyr. Hefyd, bydd eich llythyr yn cael ei gyhoeddi ar ein gwefan ynghyd â thystiolaeth arall ar gyfer yr adolygiad.

O ran y pwynt a wnaeth Rachel Sharp o Ymddiriedolaethau Natur Cymru ynghylch hormonau tyfu, byddwch yn nodi o drawsgrifiad y cyfarfod ar 25 Tachwedd fy mod innau fel Cadeirydd, a Samuel Kurtz fel aelod o'r Pwyllgor, wedi herio'r pwynt hwn gyda Rachel Sharp yn ystod y cyfarfod, a rhoddwyd cyfle iddi ymateb. Mae hyn i'w weld ym mharagraffau 155-168 o gofnod y trafodion. Fel y byddwch yn ymwybodol ar ôl rhoi tystiolaeth eich hun, caiff pob tyst ei wahodd hefyd i adolygu'r trawsgrifiad drafft a chodi unrhyw faterion yn ymwneud â chywirdeb neu eglurder gyda ni.

O ran y pwyntiau eraill a wnewch yn eich llythyr ynghylch Afon Gwy, gwelyau morwellt ac ansawdd dŵr, rydym hefyd yn nodi eich barn ar y dystiolaeth hon, ac mae ar gael i'r cyhoedd ei gweld. Pe bai'r sefydliadau amgylcheddol sy'n rhoi tystiolaeth yn dymuno darparu rhagor o wybodaeth i ni am y pwyntiau hyn, yna mater iddyn nhw fydd hynny wrth gwrs.

Fel Cadeirydd y Pwyllgor, ac ar ran yr Aelodau, gallaf roi sicrwydd cryf i chi y bydd pob darn o dystiolaeth ar gyfer yr ymchwiliad, gan gynnwys lle mae sefydliadau gwahanol yn anghytuno â'r dystiolaeth hon, yn cael ei hystyried yn ofalus gan yr Aelodau cyn i ni adrodd ar ein casgliadau. Fel y byddech yn ei ddisgwyl, yn ein trafodaethau mae gennym



Senedd Cymru

Bae Caerdydd, Caerdydd, CF99 1SN
SeneddEconomi@senedd.cymru
senedd.cymru/SeneddEconomi
0300 200 6565

Welsh Parliament

Cardiff Bay, Cardiff, CF99 1SN
SeneddEconomy@senedd.wales
senedd.wales/SeneddEconomy
0300 200 6565

hefyd gymorth galluog ymchwilwyr a chynghorwyr cyfreithiol o ran profi cywirdeb a phwysu a mesur yr holl dystiolaeth a gawn.

Diolch eto am eich llythyr, ac am eich cyfraniad llawn at adolygiad y Pwyllgor.

Rwyf wedi copio Rachel Sharp yn y llythyr hwn er mwyn bod yn agored.

Yn gywir,

A handwritten signature in black ink that reads "Paul Davies". The signature is written in a cursive style with a large initial 'P'.

Paul Davies AS

Cadeirydd: Pwyllgor yr Economi, Masnach a Materion Gwledig

Croesewir gohebiaeth yn y Gymraeg a'r Saesneg / We welcome correspondence in Welsh or English.

